



“Mi ne angažiramo na ubiranju zekata onoga ko to od nas traži! Nego ti, Ebu Musa, i ti Abdullah b. Kajs, podite u Jemen!”

Ebu Musa el-Eš'ari, radijallahu anhu, pripovijeda: “Došao sam kod Vjerovjesnika, sallallahu alejhi ve sellem, sa svoja dva sapanenika; jedan s jedne, drugi s druge strane. On je čistio zube misvakom. Njih dvojica su tražila nešto, a on kaza: ‘Ebu Musa!’ ‘Tako mi Onog Koji te posla s istinom, nisam znao da ova dvojica žele raditi na ubiranju zekata!’ A ja kao da gledam njegov misvak ispod njegovih usana kada Resulullah, sallallahu alejhi ve sellem, reče: ‘Nećemo angažirati’, ili je rekao: ‘Mi ne angažiramo na ubiranju zekata onoga ko to od nas traži! Nego ti, Ebu Musa, pođi u Jemen!’ U predanju se dalje navodi da je za njim poslan Muaz b. Džebel. Kad je Muaz stigao u Jemen, Ebu Musa mu dobaci jastuk i reče da sjaše. Sjaho je i ugledao svezanog čovjeka. Upitao je u vezi s njime, pa mu bi rečeno: ‘To je čovjek koji je bio jevrej, te je prihvatio islam i zatim se odmetnuo. Sjedi!’ On tripit reče: ‘Neću sjesti sve dok ga ne pogubite! Allahova presuda i presuda Njegova Poslanika jest da bude pogubljen!’ I pogubiše ga. Zatim su Ebu Musa i Muaz razgovarali o noćnom namazu. Jedan od njih reče: ‘Ja noću klanjam, ali i spavam. Nadam se da će me Gospodar i za spavanje nagraditi.’”

[Vjerodostojan] [Muttefekun alejh]

U hadisu se navodi da je Ebu Musa el-Eš'ari, radijallahu anhu, došao kod Vjerovjesnika, sallallahu alejhi ve sellem, sa svoja dva sapanenika; jedan s jedne, drugi s druge strane. Oni su tražili da budu zaposleni na prikupljanju zekata, pa ih Allahov Poslanik obavijesti da to ne povjerava onome ko to traži jer bude postavljen pa ga ne potpomognu. Zbog toga je Poslanik poslao Ebu Musaa, a za njime Muaza b. Džebela u Jemen. Kad je Muaz stigao u Jemen, kod Ebu Musaa ugleda svezanog čovjeka. Upitao ga je u vezi s njime, a on ga obavijesti da je čovjek bio prihvatio islam i zatim se odmetnuo i postao židov. Muaz je kazao da se mora sprovesti fiksirana Božija sankcija nad njim za vjerootpadništvo. I pogubiše ga. Iz hadisa se razumije da je pogubljenje kazna onom ko prevjeri. Zatim su Ebu Musa i Muaz razgovarali o noćnom namazu. Jedan od njih reče: “Ja noću klanjam, ali i spavam. Nadam se da će me Gospodar i za spavanje nagraditi.”

النّجّات الخيريّة
ALNAJAT CHARITY

